

光緒鎮海縣志

鎮海縣志卷十四

壇廟下

東管鄉

外瀾浦廟在張鑑硯東北方稱為七鄉總鎮乾隆志乾隆年

間邑令周樽清泉場大使屠倬濬河有惠政民於廟右廊

肖像並祀陳志道光間里人白受采募捐重修采訪冊

朱文公祠二都一畝虹橋南百步康熙四十一年建乾隆志

王文正公祠二都一畝西歸橋百步元元統二年建乾隆志

祀宋左丞相魏國公王旦陳志

前新城廟二都一畝廟基田三畝六分

前回向廟二都一畝

後回向廟二都一畫

隆志以上乾

二義祠二都一畫回向寺側祀里人曹文英金文貴采訪

周茂榕記二義祠者邑曹公文英金公文貴之祠也

二公何以有祠記曰有功德於民則祀之言平輿大利

除大害宏濟艱難廟食千禩凡為民上者則然而苟能

得其遺意孤行於一鄉一邑間毅然以除積弊為功蘇

衆困為德一人仗義助惠無窮則祀事之尊亦足以當

此而無忝按二公同居邑之西鄉相距三十里曹公曹

隘人乾隆間買穀之令民有田二十畝官買其穀二石

石給錢六百有奇藉備荒歉日久胥吏為奸浮取無算

民不聊生公上下控告蒙大吏諭采辦鄰封其累始息

然公竟以是橫被羅織死於獄金公金家舉一船戶家

號素封時有胥役設減割船梁之典遇商船停秋指

修理為改造而難百端務飽其需索而後已公請諸有

司勒石示禁而公亦由是傾其家二公先後赴義大署

如平夫二公之慷慨奮身非有眾人迫使為之者也第

憫乎上聞既壅疾苦難堪忍之則同受其災犯之將獨

櫻其禍輾轉於胸卒為義憤所激發瀝膽披肝以通呼

籲固是一血性男子論者乃謂其近於俠烈此又不然

昔司馬子長取郭解入游俠傳窺若所為不過赴一人

之急耳以視普惠億萬家垂利千百世其所拯濟固大有別問今之權蠹斂手無擾戶無驚者果誰之賜食其利而忘其報豈人情乎二公雖往鄉之人追談遺事往往遇艱危無告輒扼腕歎歎二公之不可復得則所以顯幽而勸義者又當何如也湯君倫陳君文珩議於同向寺側建祠合祀眾避之鵠林庀工踴躍爭集經始於光緒二年四月戊戌於三年六月為堂三楹名曰二義紀實也父老曰導揚先德足不可以無書茂榕亟不獲讓爰即麗牲之石為文以紀銘曰及物之仁赴義之勇碎身毀家殺不為動貪墨橫行上問久壅二公目擊氣如山湧聞呼籲門杜絕利孔惟我鄉人隱受恩重想望丰采意傾神悚來拜斯室瓣香是奉

中 新城廟二都二畝

後新城廟二都二畝

祖豐林廟二都二畝

以上乾隆志

文昌閣二都二畝上豐林廟對河咸豐三年里人募捐建

胡文昭公祠二都二畝渡駕橋明季建

以上采訪冊

牟公祠二都三畝萬弓塘萬壽菴內以總兵牟大寅築塘

有功里人祀之

乾隆志

上豐林廟二都三畝沙頭村

乾隆志

祀唐薛仁貴咸豐七年

里人重修

采訪冊

後豐林廟二都三畝徐家堰

東梢木廟三都二畝後方村祀宋張世傑地基一畝

後江神廟三都三畝前塘廟舊在汪姓族北明崇禎七年

徙於此相傳漢時敕封司水利爲六堡土穀神

以上乾隆志

龍王宮三都三畝張李家堰

采訪冊

前練浦廟三都三畝神姓瞿名能明建文時與燕兵戰於

白溝河死之

東鸞林廟三都三畝

漢塘廟三都三畝祀朱張世傑

以上乾隆志

周公祠三都四畝大有橋側邑令周檉詣勘築閘車灌饒

利里人感其德立祠祀之一在大市堰水閣亭

採訪冊

後練浦廟三都四畝

二聖廟三都四畝毓秀橋康熙五十年里人朱上卿同漁

人商人建

前江神廟三都四畝清水浦

東漢塘廟三都六畝明崇禎年建

以上乾隆志

西管鄉

東嶽宮四都一畝妙勝寺隔河光緒元年里人余鴻潮王

大德重修新建戲臺甃築石塘

都神殿四都一畝妙勝寺側里人余鴻潮王旭堂等募捐重建

梅堰廟四都一畝孔浦梅堰鎮舊有白龍港在廟側故又

稱白龍王廟

以上采訪冊

彭大王廟四都二畝潘家堰南

乾隆志

孔浦廟四都二畝祀宋邑令盧萬

唐令志彙

文昌閣四都三畝道光六年建至二十六年七月爲風水

所壞光緒元年里人莊兼仁包振飛方繼善等捐資重建

采訪冊

西鷺林廟四都四畝

西梢木廟莊市北祀宋張世傑

廣福廟四都五畝白沙村祀宋文天祥

東昇廟五都一畝

東漢王廟五都二畝

以上乾隆志

壓賽廟五都二畝宋德祐間秘書監陳茂以死勤事鄉人立祠祀之後圯元大德中曾孫夢麟與里人余方兩姓協力重建廟並壓賽橋故名夢麟又偕夢龍夢熊捐田以奉

香火

唐令志棠

平王廟五都三畝朱家橋向祀周平王明萬厯年建里人

唐德唐勳置祀田二畝計五畝四分

乾隆志

國朝乾隆乙卯年鄭勇昌重修道光五年唐昌友等募資



又修

采訪冊

西成廟五都四畝劉家前港口舊在鍾家堰東北

國朝康熙年間建祀晉杜預

采訪冊

前雁宕廟六都二畝廟側有路似雁故名

乾隆志

在徐王上

村目連橋相傳祀明進士奉化水祺龍

采訪冊

後雁宕廟六都二畝

乾隆志

在金華村北神祀北宋張良臣

采訪冊

東半練廟六都二畝建於明季舊稱半練廟後有西半練

廟故加東字別之神祀唐武春

西半練廟六都二畝大禪寺港東與慈谿接壤舊有半練

廟後加西字別之又名大樹廟相傳神姓王名在宣福建

漳浦人明嘉靖末由進士官青浦令因公事過浙境適值倭亂餘燄未靖神嘗指教團練防禦有功歿後里人頌其德立廟祀之并呈請敕封應佑侯廟半練之名因此廟初湫隘

國朝乾隆初始拓基改建咸豐己未重修後遭兵燹盡圯光緒元年里人捐資重葺

東昇廟六都二畝順治初年建祀唐樂仁規

以上采訪冊

案明正統十四年金華烏龍山賊掠內地指揮艾肅之兵敗神顯靈助戰殺賊數十人有功斯土里人立廟祀之

浮林廟六都六畝相傳神於宋建炎間扈高宗航海有功

封惠濟侯廟舊在水館南鄉海決神像逐浪漂至貝姓林里人於斯建廟號浮林明萬厯十九年夏海嘯廟四面皆大水殿中涓滴不入

乾隆志

陳景沛案曰唐令志彙傳神扈宋高宗航海有功歿後封惠濟侯稱陳相公廟前在海塘萬厯八年海潮湧浮鑪至妙勝寺後隨建廟焉明末海寇登犯此境獨安

### 靈緒鄉

青林廟一都一箇縣西北三十里沙河頭村廟本建自慈谿青林渡故名青林舊傳爲南宋武將靖難西壩對岸爲雙家匪廟建匯東毗近青林渡見神現靈異故移易舊址

廟於青林里人陳理於沙河頭村建廟分祀焉

國朝乾隆己酉吳存久元聲等勸募重修道光丁酉周大

榮復募修同治癸酉陳鑑科復勸捐修葺增造後殿采訪

姜宸英記縣治東三十里有廟曰青林余素聞其神

之靈而未獲見也後遊東郊過仲弟非載家順道晉謁

始見其廟貌森然神色如生發然問其里人建廟之由

答曰不知也然竊聞之神姓沐氏名號爵里不可考意

當時巡行至此人懷其德如召伯甘棠爰作廟以祀之

每歲春正之十日為神誕辰九堡輪供俎豆靡弗虔肅

昔在宋時猶幽棲雙家匯東首地迺明正德間改遷於

此其前殿基先為三官堂後為陳姓家居住忽一夕神

燈朗照如白日空中見青林廟沐府數字須臾遂熄熄

而復明如是數次陳姓驚異因之讓基并遷三官殿而

易為廟今廟中元大德四年庚子燬碑僅記三官會頗

詳而建廟事實反不及載使後人茫無可稽也惜哉又

鎮海沙河頭亦有廟仍之刁家橋以祈雨輒應亦建廟

雖更其名而不易其神也余曰若是青林洵勾東古蹟

神之靈使居者敬畏讓基行者易地崇祠禱者分廟薦

來者今乃見所見而去已里人又謂曰此非獨神之靈也即享祀者亦豈無因哉其一即君之先世名芳字毓之元成宗時督餉海運之燕遭風溺死千里浮歸面色勃勃如生人驚其異且死於王事遂葬於周家橋西北臨河地其一即捨地爲廟之陳姓祖名理者當遷廟時僉議以配尊神爲輔弼焉茲廟既朽謀欲新之君長於文字之役曷不爲吾里記之余曰唯唯適見歲召纂修明史未暇及此今舍姪伊水謁選來京云修廟落成祠下復請爲記余憶自奉召至今宦遊且老每追維往事不覺愴然於故鄉也青林有廟明神爵里雖遠莫稽亦不必附會其說然能保障一方捍災禦患載之邑乘自宋迄今歷數百年廟祀不衰者非以其合於有功則祀之例歟是廟葺於康熙三十五年暨三十七年九堡重新擴而大之廟貌並嚴冀垂不朽且因其請遂記於其右

東嶽殿一都一畝青林廟旁康熙間建同治初陳鑑科拓

基募修

冊采訪

樺木廟一都三畝清水湖西祀漢忠侯吳漢廟三面瀕水

大浸不沒相傳其地與水上下云

龜山廟一都五畝

鹿山廟一都五畝

八部廟一都五畝在河山下以上乾隆志

治水判官黃公祠一都六畝武功村祀宋浙東轉運使判

官黃恕浙江通志敕建神祠在鄭姓屋前河運裏祠基一畝二

分元至正六年秋大水潰祠浮敕賜廟額止於陸俊英籍

沒屋基士庶因建廟於上舊址基地召賃辦祭乾隆志後又

遷至一都一畝廟基頭里人助田五畝爲冬至日祀費采訪

冊

治祐九年制 敕曰朕惟紹休聖緒必資靖恪之臣翼  
勵世風尤貴忠貞之節瞻咨浙東轉運司判官黃恕賢

勞王事不避險蹊目擊時艱甘心殉國憫一方生靈之  
陷溺聊試利器於盤根抱志蠶淵浮屍獻異旋除水患  
永利農民今將贈爾爲浙東宣撫司判官臨容立祠  
表塋禮葬勲階高陟允答前勞民事慎茲尙期後庇  
鄭清之記慶元之屬縣曰定海者東濱滄溟世苦潮  
患治北走二舍則莊北村之新土塘也稍北則武功村  
之和尙塘也界中有流淖於蕩深莫測其底南北相距  
百餘丈延袤數里橫亘阡陌之間前哲若制帥程君覃  
台唐君叔韓俱嘗聚土列石墊之比將成水從下湧汎  
溢無際功蔑攸措時或靜夜有聲如鼓翌日必大決海  
潮外應揚濤洶入桑田殫爲斥鹵歲或十餘決邇年尤  
數衆共神之望洋蹙額束手浩歎而已值太府卿知府  
事兼沿海制置使章君大漚蒞職大濬湖渠百廢具舉  
乃共以戡挫之時公領轉運判官素以廉幹聞章君遂  
屬以厥宰公慨然任之卽日單騎詣其所露處野宿躬  
荷甕督役運土石衆亦猛奮雨暉蟻集垂成而復決者  
屢焉每決必先期有聲水湧如沸役再越宿弗就乃廣  
募良策有術士衣麻衣自稱從武夷來排衆直前謁公  
曰是地也無物而聲無風而濤變態不常淺深莫紀龍  
鰲象所蟄也投以生人彼畏陽而縮功可立奏公色忿  
然頷目視曰修此以爲民也殺人以奠再拜爲民請命少  
爾指吾身耳厥明齋沐具少牢以奠再拜爲民請命少

頃其下復有聲眾駭懼擾亂旁有峻崖公策馬臨之告  
於眾曰吾死於此若輩奮力語未畢崖崩如雷公併馬  
溺焉眾號聲震原野已而波濤恬然乃如公命投土  
不復淖決三日封土與兩塘連接比旦具祭告成忽塘  
數十步外水起如注眾方懼復決俄湧公屍出據鞍攬  
轡顏色如生民爭出資具衣冠殮焉時治祐戊申夏四  
月八日也公舍人欲歸其柩聞臨安兵據未果民攀輿  
泣曰我公往百世之害當享百世之報願乞衣冠葬而  
祠之且請於章君以聞於朝敕進秩宣撫判官表其墓  
聽民立廟祀之民捐產競赴三句廟成章君扁其門曰  
敕賜治水判官黃公永利之祠因命鄉老歲時敬祀如  
儀公諱恕字文揆別號東浦襄人也應嘉定制舉歷官  
簿丞令長所至以仁斷稱歲治祐丙午來領右職委身  
王事余少時旅循北海欲涉患於於淖弗克時懷憫念  
迄今閱中書得公績簡忤羨久之既

而章君又為狀來請遂為之記云  
薛士學祝文維公性成忠愛福我民生受命於君固  
以死而勤事仁人有勇於時能捍大災志定於從容笑  
蓉劍挾其精氣身臨乎絕險桃花水不敢橫流怪既殄  
於燃犀績已同於驅鱷澤施所被報賽難忘是以馬鬣  
松楸當日灑千家之淚魚鱗圖籍至今開百室之盈茲  
屈仲春肆修祀事嗚呼崇祀晉秩典已重於芝綸猶酒



承筐禮宜皮於栗社吉日兮青陽柳如帶兮花含芳  
驚翻潔兮翔舞椒酒入兮陳觴公之神兮來下乘采蚪  
兮玉爲靶公狀觀兮峩峩吾人歡拜兮婆娑晨光漾漾  
兮海微波迎神曲之歲歲兮深耕公降雨雲兮田水  
生黃茂植兮瓜瓞公之顏兮不頽以悅鼓鐸  
道迹兮無涯牛羊嗜草兮春芊芊送神曲  
鄭兆龍記鍾邑濱海神祠以百數而惟我靈緒鄉石  
山之黃公廟獨應祀典公襄人宋洎祐中領浙東轉運  
司判官時靈緒和尚塘有蛟爲患歲數決溢沒害桑田  
數十里間居民苦之前守令百方防禦莫能制及公蒞  
任知府事章大瀄檄公往公躬荷畚插率民修治隄防  
累月弗就計無所出念古澹臺滅明周處有斬蛟事遂  
擇日沐浴祭告百神躍馬入水衆哀號莫能止須臾紅  
潮擁湧出蓋其物已斃遂各投土以築塘不復衝決越  
三日具祭告成公屍忽起據鞍攬轡顏色如生衆具衣  
冠葬於靈緒一都一邑遍野欲求所稱和尙塘者而其故  
址杳不可得蓋公之爲功偉而遺澤長矣方公致命時  
章公酒以聞於朝贈官表墓聽民立廟郡人越國公鄭  
清之詳記其事故至今石山有黃公廟此非祭法所稱  
爲民樂矣捍患以死勤事得列祀典者數間嘗考之凡  
我邑之廟祀者類皆漢唐宋明之忠賢豪傑雖其神之

靈周流天地無所不格然而與其生可名成業之處則必有間矣卽以我公之賢他邦異縣未必無尸而祝之者其人向慕苟誠公之神未必不降鑒之然究不若靈緒鄉村爲公捐軀救民之地其民萬不能忘情於公而公之精爽亦斷斷不能忽置於斯民也故自立廟以來凡祈禱叩問比他神廟倍有靈應廟舊立鄭姓地土人相傳爲廟基頭鄭宅南後遂戴姓地其地湫隘衆懼其褻也由戴姓地復遷於廟基頭棟宇勤聖視前有加遇公忌辰廟下十堡每歲以大演戲仰安公靈而戴姓獨出田五畝爲冬至日享祀之費其志尤足嘉也爰爲記鐫石以志廟之遷移巔末而併著戴姓之事以爲後人勸

新阜廟二都一畝解浦閘旁乾隆志相傳神祀晉陶靖節後

人以桃花源記中有捕魚爲業句附會其說故祠建於解

浦里人金鄭兩姓捐修廟旁附祀邵四相公采訪冊

案邵四相公紹興人相傳明嘉靖間倭寇海口公

嘗捍禦有功里人感其德祀之

五都神殿二都一畝解浦所城內

采訪冊

祀五方治瘟之神

張元伯劉元達趙公明鍾士秀史文業

鄞志

向有基址乾隆

四十九年首事監生陳彩三金仁則等因舊基狹隘具呈

邑主汪以旁隙地推拓重建

縣志備采

在鳳凰山麓旁築柳舫

廳卽流芳翻音光緒元年里人陳大甯募捐重修增置流

芳會田七十畝

采訪冊

新城廟三都一畝在金家畧神姓金同治辛未重修

采訪冊

赤石廟三都二畝

乾隆志

在龍頭場神祀後漢昭烈帝明季

建廟因掘山得二石形似卵色甚赤廟以是得名

采訪冊

龍尾廟三都二畝

乾隆志

石馬廟三都二畝

乾隆志

鳳浦廟三都一畝

乾隆志

在西門外神姓管道光甲辰重修

采訪冊

靈威廟三都一畝又名半山廟在鳳浦山畧祀漢諸葛亮  
乾隆志作威靈廟今改正

靈顯廟三都一畝在鳳浦湖畔神姓名未詳

畧裏廟三都一畝在鳳浦畧底

龍王堂三都一畝在伏龍山腰

天后宮三都二畝西門外道光甲辰重修

城隍廟三都三畝在龍山所城

勇南王殿三都三畝又名晏公殿在龍山所城

柿林廟三都三畝在東門外

鄭儒珍記 龍山所城東門外有廟曰柿林傳爲梅林之誤明嘉靖間少保胡宗憲率總兵戚繼光平倭到此里人德之建廟卽以公字梅林顏其額邱王二村均祀焉閩王氏家傳爲唐昭義兩後王虔休之後裔名天衢者由河南遷慈鳴鶴場其後嗣有名純齋者值方國珍亂奉其父寓居靈緒鄉遂家焉父子以洪武宣德間相繼而卒合葬於柿林廟之東是當時已稱柿林廟非梅林之誤明甚周官大司徒設其社稷之壇而樹之田主各以其野之所宜木名其社與野一鄉之廟猶一國之社以地有柿林卽因是名之也亦宜考柿有七絕一多壽二多蔭三無鳥巢四無蟲蠹五柔葉可玩六佳實可飲七落葉肥大可學書畫章順性至孝柿生屋上延至庭中鬱蔥可愛人以爲孝思所致今吾鄉之人能法韋順之孝本事親之意以事神而其心愈誠神亦來歆天麻滋至不特柿林實茂節季桑麻歲歲慶豐登焉是一鄉之共沐神惠者豈有涯哉爰不辭而爲之記

上梅林廟三都四畝在邱洋祀明總督胡宗憲旁附明參將戚繼光

下梅林廟三都四畝在邱王神與上梅林同

洋山殿三都四箇在邱王海口祀宋文天祥張世傑陸秀

夫三忠臣

以上采訪冊

跳頭廟四都一箇

乾隆志

在湖灣今名跳山廟神祀漢張飛

采訪冊

施公山廟四都二箇

乾隆志

河頭廟四都三箇明正統間里人方雲莊建祀後漢趙雲

靈緒鄉民奉爲土穀神

乾隆志

大樹將軍廟四都三箇神祀馮異漢稱大樹將軍相傳曾

憩於黃桐石爐處鄉人祀之靈應如響歲久廟傾

國朝乾隆十四年方氏重建

乾隆志

後奉神農帝改名上王

以帝居中而將軍左耐光緒二年方氏捐貲重修

采訪冊

鎮海縣志

卷十四

壇廟下

十一

通天廟

寶慶志  
縣境圖

四都三畝祀晉劉伶

乾隆志

順聖廟四都三畝祀漢王允歲久燬於火後屢修屢圯

國朝道光十一年里人王仁則改造出己資不足募捐落

成

安樂廟四都三畝在傅家山前祀漢昭烈帝

觀音殿四都三畝順聖廟側道光十二年王仁則母楊氏

命子重修

以上采  
訪冊

沙湖廟五都一畝爲村中土穀神石陡龍神附祀

乾隆志

在

任家溪神姓名未詳

采訪冊

靈龍宮五都一畝在任家溪祀石陡龍神向在沙湖廟內

附祀

國朝道光年間於廟東南隅又建龍宮祈禱甚驗采訪冊

澤山行館五都三畝今土人呼三官殿采訪冊

范公祠五都三畝祀明州觀察推官范達乾隆志在楊范卽

范氏宗祠采訪冊

楊承幹公祠五都三畝祀宋楊正乾隆志在楊范宋孝宗時

官殿中侍御史楊正乾隆志誤作楊正采訪冊

聖林廟五都三畝乾隆志在大匯神姓名失傳采訪冊

樟樹廟五都三畝乾隆志

張老相公殿祀宋張世傑又在靈緒一都海沙廟旁乾隆志

蓬山道院縣西北七十五里據山瞰海處大蓬山之麓元

至元二十一年淵德觀道士裘應聲剏建延祐志



下通天廟五都二畝在小埠頭路下祀晉劉伶采訪冊

案廟旁有墓周斯盛題云一抔土茫茫劉生葬其

下或曰醉未醒其人未死也

四明延祐志

白石廟五都二畝嘉慶二年遷老廟於山麓采訪冊

崇邱鄉

文昌閣一都一畝下有亭光緒六年謝紹禹募建采訪冊

覺海威顯侯廟縣南一十里舊號山仙廟建炎中車駕幸海道賜今額開禧二年令商逸卿修建新閣且記之實慶志

陳山老廟向建陳山之麓祀陳山之神明季燬

國朝康熙年間里民築於翁家漕奉爲崇邱鄉總廟乾隆志

陳山忠應侯廟縣南一十五里舊號陳相公廟建炎中車

駕幸海道賜封寶慶志陳山下祀海神兩浙海塘通志

古城廟一都一畧乾隆志在浦前祀朱忠臣洪福守古城廟

前有亭曰永安采訪冊

東山東廟一都一畧東山麓乾隆志

東山西廟一都一畧覺海山麓乾隆七年里人朱瓚張鼇

等重修李朝欽捐殿前地後建屋五間乾隆志

南勇廟一都一畧祀唐薛仁貴或云祀南霽雲采訪冊

張門廟一都一畧祀元鹽司令張子忠乾隆志

五都神殿一都一畧衙前城中社會間年迎神入城

文昌閣一都一畧衙前覺海寺後康熙二十年建同治丁

卯改為閣

牧城廟一都二畝泥灣港口以上采訪冊

泥灣廟一都二畝大嶺路東乾隆志

竺山廟一都二畝竺山下凡海艘遇颶者禱神輒應因稱

其地爲保船灣乾隆志

桐木廟一都二畝饅頭山之麓采訪冊

蔚斗廟一都一畝蔣灣山之麓祀宋劉摯明季廟燬僅餘

數柱

國朝康熙八年重建乾隆志

新孔墅廟二都一畝

東斗廟二都一畝

義烈祠二都一畝咸豐辛酉髮賊滋擾小江宋商山欲保

村莊反被賊戕同時殉難者四十九人里人感其義稟請建祠

文武殿二都一畝在延壽菴側光緒三年里人費其資捐資重造

東石鴻廟二都一畝

西石鴻廟二都一畝祀宋劉摯

梓木廟二都一畝俗名石橋廟

白石廟二都一畝在畧俞祀唐薛仁貴

湖芳廟二都一畝神祀宋劉摯

謝墅廟二都三畝舊在謝墅河東田中活石墩上後遷至今處祀漢馮異

甄審廟二都三箇分祀裴晉公道光乙酉年遷至墓孝陳  
去舊廟里許

大楓林廟二都四箇祀宋鄭清之

楓林廟二都四箇高河塘神姓曹

關聖殿二都四箇高河塘前有亭里人置田施茶

剡畧廟三都一箇乾隆志所稱蟾畧廟剡與蟾音相近因

誤爲蟾神祀宋王十朋

以上采訪冊

白鶴廟三都一箇白鶴山下

陳志案

羅時廟三都一箇徐家洋

采訪冊

祀宋李若水

陳志案

關帝殿三都一箇水汛頭大橋

文武殿三都一箇堰山碶後

樟桐廟三都一畝神祀宋李若水

以上采訪冊

孔墅廟三都一畝以孔墅嶺名山神而司土穀者

乾隆志

文昌閣三都三畝義成碑南首同治五年建

天后宮三都三畝港口笠山下

都神行宮三都三畝小港

以上采訪冊

蚶畧廟三都三畝蚶畧山神祀漢馬援

乾隆志

關帝殿三都三畝義成碑側後塑文帝像故又名老文昌

閣

采訪冊

新靈澤廟三都四畝蛟門東俗名門門角後

采訪冊

湖壇廟三都四畝祀唐許遠

乾隆志

新湖壇廟三都四畝青嶼山麓

采訪冊

靈澤廟三都四畝祀宋文天祥有神像一軸旁有周順昌

題款宋訪冊

裴晉公祠四都一畝練益山麓俗稱裴將軍廟

韓魏公祠四都一畝姚墅山下元時建俗稱韓魯廟

姚墅廟四都二畝祀唐姚崇以上乾隆志

關帝殿四都二畝姚墅畧停停亭後

黃滿廟四都二畝相傳神祀漢黃霸

府主廟四都二畝相傳神姓鮑名未詳以上宋訪冊

東鷺林庵明時建相傳祀朱曹彬

國朝嘉慶十五年里人王浦捐修縣志備采

靈巖鄉

林頭廟一都一畝祀宋張世傑祠碑錄全祖望張太傅祠

堂記

磐石廟一都一畝石馬畧祀宋劉摯廟以樹蓬成蔭

莘峯廟一都一畝祀宋劉韜

以上采訪冊

曹峙廟一都一畝瓔珞菴前

乾隆志

祀宋曹彬記與祖妙林

廟同

采訪冊

上湖塘廟一都二畝有樹蓬而無殿宇祀宋鄭清之

采訪冊

湖塘廟一都二畝祀宋鄭清之

乾隆志

新安廟一都三畝祀宋江萬里

乾隆志

謝瀛賢記

邑治之南距城三十五里有靈巖鄉介乎

嘉溪石湫之間

曰柴樓明天順年間余十世祖諱城者

遷居於此流傳至今族浸盛其間田疇廬舍水繞山環

既明且秀余追憶往事竊幸先人敝廬猶在焉今



鎮海縣志

卷十四

壇廟

皇上臨御之八年冬一陽月族姪紹初來告余曰近地數里之遙地名新安向有廟祀宋忠臣益國公江諱萬里相傳已久其初建於松鳴嶺下康熙己酉歲大水泛濫神前有石香爐隨水漂流於烏車橋田中與廟相去三四里許意者神亦眷此土乎遂遷廟於此後因地卑溼牆垣傾圯道光三年間經族中夢九公會里人積資建立廟事不果迨十七年間紹初偕陟登山諸人承先人志遷廟於井亭橋北面河襟帶洵勝境也今復重新廟貌事既竣局余為記考宋史神字子遠江西都昌縣人理宗朝買似道當國公參知政事以峭直見劾拜右相嘗稱爲益師厥後世亂罵賊不屈殉難死詔贈太傅賜諡文忠追封益國公昔建於松鳴嶺下時亦未詳其緣始而廟經三遷靈爽式憑崇災捍患不可勝述而歷宋元明以迄於今僂指計之七百有餘年矣其貽蠶之隆於斯爲盛惟願隸境下者世世崇祀弗替永矢誠敬行見年穀豐登人民蕃育知公之有益於國而且有益於千百億萬載之民生其厚澤深恩正未艾也是爲記咸豐九年二月

唐將軍廟一都三箇烏石畧神姓唐

采訪冊

嘉溪廟一都三箇祀宋曹彬

采訪冊

孟君廟一都三畝祀宋將孟良

乾隆志

魁星廟二都一畝長山磧側

老行宮二都一畝祀東嶽大帝明萬厯間建嘉慶甲戌年  
俞復挺創捐拓基新宇

竹山廟二都一畝祀宋將焦贊

靈山觀二都一畝祀東嶽大帝俗名新行宮

文武殿二都一畝雲陰菴前嘉慶己卯里人董時霖於菴  
前建殿三楹旁築精舍四楹爲就近肄業之所

東樓廟二都一畝祀唐參政婁師德至今廟側尙存石碣  
一方

義民祠一都一畝石湫石塔山下同治壬戌粵寇據郡城

邑義民助官兵克復同時陣亡百人載浙江忠義錄查靈巖泰邱海晏三鄉共三十二名里人憫其死節建祠以祀其不隸三鄉者祠內未入栗主今合已入未入者同附載

於此其同時殉難紳士義民亦附於後

以上采訪冊

監生貝禹甸泰邱鄉人

於西楠靈巖鄉人

樂瀛蒼靈巖鄉人

謝斯蘭靈巖鄉人

張良林靈巖鄉人

謝世惟靈巖鄉人

方瑞智靈巖鄉人

邵世德靈巖鄉人

王會元靈巖鄉人

周天章靈巖鄉人

王承賢靈巖鄉人

張賢章靈巖鄉人

謝仁榮靈巖鄉人

王守茂靈巖鄉人

黃聲槐海晏鄉人

曹和臻泰邱鄉人

賀士玉泰邱鄉人

張阿寶泰邱鄉人

胡永岱泰邱鄉人

陸迎春泰邱鄉人

李聖會泰邱鄉人

柳開暄泰邱鄉人

潘阿金泰邱鄉人

張生瑞泰邱鄉人

邵阿方泰邱鄉人

李通貞泰邱鄉人

金百福泰邱鄉人

陳美東泰邱鄉人

忠義錄

忠義錄

陳雙春靈巖鄉人  
孫承沛泰邱鄉人

張定才泰邱鄉人  
傅尚業泰邱鄉人

案以上三十二名入義民祠亦入忠義錄同治元

年四月陣亡

張合意	胡小美	華必勝	盧孝元	范宏安
張書禮	沃小安	曹忠和	朱朝均	范瑞光
張阿祿	范阿懷	張守斌	方阿三	楊盈科
張義才	范信良	張合心	華至傑	楊雲
胡永富	范阿文	周阿春	方慶安	胡安仁
朱經生	駱錫麟	傅小坤	楊開宣	王佐清
虞孝善	駱錫富	傅元國	戎德勝	張守忠
方在福	戎錫富	張元新	戎懷瑛	華全忠
史善道	方名貴	金阿四	鍾怡順	任得標
張阿三	葉孝思	傅和賢	范瑞園	徐得勝
史智惠	王輔清	華和賢	王邦昌	邱步雲
謝雲生	張守仁	任忠義	戴仁	邱仰安
林端科	鄭忠	王開泰	蔣其忠	邱志清
張顯學	方英			

案以上六十七名亦入忠義錄同時陣亡

候選教諭國子監助教銜謝瀛賢有傳

候選通判孫懷邦有傳

候選道庫大使王鑑

范德洋

監生周大庭

五品軍功

監生孫雲鳳

案以上七名入忠義錄紳士表

趙宗睦 王世宸 唐仁昂 汪德元 鄭玉汝

徐正茂 王榮水 宋啟子 樂寅壽 邵維華

李高輦 宋賢 周明山 樂錦山 樂寅貴

樂容有 樂嗣謹 樂寅山 樂寅川 樂寅泗

樂寅文 汪坤元 唐昌有 汪述賢 金友昆

王仁美 盧學尊 林德茂 李承梧 莊合新

方殿翰 余建功 邵代輔 樂永茂 樂國梁

宋新茹 俞美才 黃開忠 呂庭燎 余志鵬

孫文學 任天球 潘鳳崗 汪庭標 任觀銘

任學元 任嘉祐 陳大信 傅允江 林元侯

鄭會光 王尙宰 鄭大貴 劉光裕 王東生

胡載揚 汪位 江春友 汪天狼 汪小狼

汪智孝	汪金梯	汪阿和	嚴賢章	林雅安
胡孝和	張加賢	胡孝行	龐阿達	龐書江
林雅芳	林文忠	林文學	柳禮庭	柳禮樂
柳義德	柳義路	毛金山	嚴賢臣	嚴賢芳
嚴能盛	嚴秀贊	翁俊德	翁恢元	王洪濤
王子豐	范潤	范慶齡		

案以上八十九名入忠義錄義民表

古罌頭廟二都二畝神祀宋劉安世乾隆志

寶光廟二都二畝依樹蓬而立宋訪冊

東罌頭廟明初立廟於迎恩堂西

國朝雍正元年里人丁鳴雷等募資分建厥祠於大磧頭

下加東字以別之縣志備采

蔣祥堡記 事神之道豈惟是春祀秋享俎豆馨香求  
 福田利益而已哉蓋將以志其行而遵其教也宋劉忠  
 定公諱安世忠孝正直人也鎮海之靈巖鄉敬其人祠  
 而祀之巖戊寅余攝篆茲土理鹽政邑人方新神祠而  
 九

請文於余余曰公之行事載在史冊傳諸傳記赫赫在人耳目間又安以余文爲然余竊有不能已於言者乃詔諸父老而告之曰公之在朝也唯奸佞之務去侃然正色百折不回夫朝廷之有奸臣猶鄉鄰之有奸民也奸臣不除朝廷受其禍奸民不去鄉鄰受其殃今之奸民豈少耶強凌弱富辱貧衆暴寡者在在皆是也志公之行遵公之教一人倡之衆人和之奸民盡而良民安鄉鄰風俗之美可立見矣且夫公之所以立身行己而不改者一誠而已誠之爲道無所不可以爲身行己而慈子必孝兄必友弟必恭以之爲農田不荒而畔不越工得之則無藝之不精商得之無所謀而不就不然違其所以行而悖其所以教香一炷水一盂匍匐而求無疆之福公疾惡如讐者示讐之不暇而又何福之有乎旣以言於衆因請鏤諸版

聖帝廟又名文武殿向爲關聖殿在東巒頭廟前室三間左右分供文武財神嘉慶十三年里人顧國懋俞學廣等募資重建殿宇於廟之東並祀二帝春秋丁日穿長場大使長山巡檢率同鄉耆老紳士就祭

縣志  
備采

算山老廟二都二畝神姓朱

算山新廟二都二畝神姓林

東妙林廟二都二畝祀晉陶潛康熙丙子邑令唐鴻舉有  
懷寫高風楹額乾隆志誤作曹彬

西妙林廟二都二畝祀宋曹彬康熙丙子邑令唐鴻舉有  
譽髦斯士楹額以上采訪冊

妙林廟二都二畝明隆慶時顧家橋南有高阜畝許竹木  
叢密民於此建廟名妙林祀宋曹彬天啟時徙廟於王公  
塘後分東妙林廟於蛟門嶺南分西妙林廟於屏峯山  
為祖妙林廟有田辦祀乾隆志

三都三畝祀唐薛仁貴廟依白石嶼山因名



龍王宮二都三畝相傳稱謝龍王

魁星閣石高塘街中面河以上采訪冊

甄掬廟二都三畝祀宋忠臣沈全義乾隆志

吳君廟二都三畝祀宋季趙三昌時元兵追帝昺赴海三

昌戰歿於陣民感其忠立廟唐令志

國朝乾隆五十八年癸丑里人林濟茂於國華捐資修葺

咸豐十一年辛酉里人重修采訪冊

姓發記問之死社稷之事與有功德於民者皆在廟

享之例列諸祀典即就吾邑之南鄣論厥若湖壇之許

不奉為社主俎豆萃萃若靈巖之吳君廟其一也靈巖

為前賢象鼻山諸境俱隸於二都三畝若石門若扶家匯

國朝康熙三十四年間歙縣唐磐港來蒞吾邑嘗修邑

乘其於吳君廟則云祀宋季趙公諱三昌時元兵追帝  
昺赴海神戰歿於陣故民感其忠祀之夫唐公以英敏  
勤幹字民育人稱於時且與邑耆薛先生士學陳先生  
夢蓮相交善以考訂文獻爲功則其說必非出於不經  
迨後乾隆十七年間商邱王代言蒞邑任再修邑乘卽  
采唐公之說序於祠祀門中並書捍潮殊蹟四字以勝  
於神廟之庭蓋當時海水沸騰勢將滔陸居民見其陰  
霧障內有趙府神燈護之獲保無恙是又神功之確然  
可據者然則由唐公之說言之所謂死社稷之事者也  
由王公之事論之所謂有功德於民者也崇而敬之不  
亦宜乎雖然神系趙姓而稱之曰吳君何也故老傳聞  
稱神字仰嵩生於正月二十八日爲宋之橫裔因禦寇  
殉節蒙上帝考勛錄忠以吳君封贈之俾之食祿於一  
方永永勿替而其殉難之日則爲祥興二年己卯也是  
說雖不見記載然其殉身忠節與衛土而顯靈者伊唐  
公王公之言固彪炳於今日也問考帝昺之祥興二年  
爲元至元之十六年是年十月宋兵潰陸公秀夫負帝  
赴海同溺張公世傑舟覆於海陵山十月丞相文公天  
祥以不屈死皆所謂仁至義盡與日星河嶽嘗昭於天  
地間者則吳君在天之靈於三公誠何所愧哉而又奚  
疑於威靈之赫濯哉廟之始建不可考而樹蓬之蹟故  
老猶能鑿鑿言之至今居民之隸其下者分爲四堡定

於每歲元正試燈之節相與扶老攜幼齋潔奉牲醴以踐乎神之宮香炬徹宵蕭鼓填會爲我神介無疆之壽此亦太平恬熙之盛事也矧法象重飾棟宇聿新苟不序述神之所自來以書諸屏障其何以昭垂來許耶且何以使瞻廟貌者感發其忠義之心而肅然起敬耶詩有之曰神之格思不可度思而在於神宇之下者誠能肅恭其心以邀神之安侑庶幾水沴旱戕不生於境春耕秋穫恆沐其庥理有可操券而得者

文昌閣一都二畝在鄔隘里人鄔年建

冊采訪

文甯記 文昌帝君靈蹟昭著載於化書者甚詳其主持文運陰隲下民久爲世所宗仰而禮官祠祭典尙闕如我

皇上御極之六年特降諭旨以神之崇正教闢邪說有裨乎人心世俗命重葺廟貌於京師且下禮臣議祀典與關帝廟埒天下郡縣各建專祠春秋致祭如京師禮此右文作人之盛心所以風示天下者至矣甯恭膺恩命視學浙江所見省會之地新廟奔奔壯麗崇閣各府州縣亦已次第創建竊喜神所式憑無乎不在歲壬戌按試用東鎮海縣學博陸達履陳焯率其學諸生具言邑有鄔生年者植品素優樂善不倦出己貲構文昌

閱於靈巖之鄉會落成請余爲記而余固不能已於詞也夫天下大矣雖有愿民無以動之則末由觀感董江都之言曰上之化下下之從上猶泥之在鈞唯甄者之所爲猶金之在鎔唯冶者之所鑄由斯以言則更化善俗上作下應勢孰有便於此哉當京師文昌廟之既建也

宸躬展謁收步穆穆極盡誠敬天下人士咸謂皇上嘉惠士林爲斯文立宗主千秋曠典一旦舉行翹首向風簷鼓軒舞自通都大邑以至鄉曲之間莫不俎豆莘莘傾心則倣今錫邑僻處海陬生又邇居家不過中人產身不過弟子員非有邀福要譽之想乃能涵泳聖涯欽崇至教捐其所有勉日計成可不謂微於觀感者與靈巖雖最南地以神之靈必能潛移默導俾人心風俗雍睦日敦不益徵聖朝文教尊敷海隅率俾之盛軌也哉鄔生嘗爲節孝祠以保族婦爲義學以課秀民前督學使者旣爲文以嘉之而余亦亟獎其優行茲於建閣崇祀文昌川識顛末且以勵生之敦善行而不怠也

### 秦邱鄉

關帝殿一都一邑舊爲永豐亭在新硤頭永豐塘交界

天后宮一都一畝新硯頭

文昌殿一都一畝在青林廟左側

關聖殿一都一畝在千丈塘以上采訪冊

石三君廟一都一畝乾隆志神祀明王世貞采訪冊

石四君廟一都一畝乾隆志神與上同采訪冊

楊四君廟一都一畝乾隆志神名賢徽楊業四子采訪冊

楊五君廟一都一畝乾隆志神名賢德楊業五子采訪冊

楊六君廟一都一畝乾隆志神名賢昭楊業六子采訪冊

青林廟一都一畝塔嶼畧祀唐劉節度使陳志光緒三年

里人陸隆茂重修采訪冊

萬登山廟一都一畝道光年間殿宇遭大水坍塌樹木叢

中故址尙存相傳神姓鄧時或興雲雨里人祈病輒愈意  
欲重新廟貌神顯靈不允道光十年里人顧大章拓石庭  
兩方

寶樹廟一都一箇神祀宋貞臣沈忠爲李芾偏將守潭州  
一作寶聚

合畧廟二都一箇神祀唐裴行儉

茅山廟二都一箇在上周畧神祀楊業

上梨園廟二都一箇在上周畧六畜有災或一時走失里  
人每禱於此多靈驗

下梨園廟二都一箇

上羅山廟二都一箇神姓朱名未詳

神山廟二都二畝相傳神祀宋鄧正肅

合口溪廟二都二畝在龍潭畧

鐵鑪墩土地祠二都二畝在三山畧

海口廟二都二畝在慈畧同治十二年王則仕捐貲重建

洋山廟二都二畝在慈畧沙塘

行慈廟二都二畝在三山大畧相傳神祀元義民張彬

洋沙山廟二都二畝在三山畧漁人所禱於此

老羅山廟二都二畝在林師畧神姓朱咸豐六年里人陳

正桂改建

以上采訪冊

嚴坑神廟二都二畝

乾隆志

橫溪廟二都二畝相傳神祀前明義士李剛

采訪冊

伏虎將軍廟二都三崙相傳唐乾甯間樵者于大用結伴

入山遇虎于曰如某某有寡母有老父皆不可食吾止一

妻死無所恨虎視久之入林去里人立祠於城灣

乾隆志

錦溪廟二都三崙土穀神光緒四年傳齊二姓均修

采訪冊

陳三君廟二都三崙

陳四君廟二都三崙

丁山廟二都三崙

以上乾隆志

何家畧廟二都三崙神何姓兄弟合祀又名二鼎廟

采訪冊

娘娘宮二都四崙在小山道光年間始建

采訪冊

彭城廟二都四崙陳華鎬廟神二相傳姓李一名剛一名

聞係同胞宋授司馬職因滅海寇戰亡布陣嶺里人立廟



祀焉萬厯四十八年庚申敕賜今額

乾隆志

國朝同治間胡心安仁方張高卓周世章重修距廟西三里許有拱辰亭道光二十八年里人周魁重修

朱訪冊

案是廟舊本祀李剛李聞二神後易以李忠定綱

誤矣今復舊制

老嶠嶼廟二都四嶺嶼山嘴南神祀虞世南

乾隆志

新嶠嶼廟在小山

朱訪冊

盤溪廟二都四嶺盤嶼

乾隆志

神姓楊爲楊業三子

朱訪冊

文武殿二都四嶺小山咸豐間里人朱魯芹胡楷等捐資

改建凌雲閣

朱訪冊

湖頭廟三都一嶺

湖東廟三都一畝在長山頭以上采訪冊

洪溪廟三都一畝洪畧村祀唐魏徵乾隆志

舞嶺廟三都一畝祀明吳傑乾隆志

李應禧記侯之為靈昭昭也其生也人戴而祠之歿則因祠而祀之此事之無可疑者但以父赫其名子承其爵因其爵而祀之亦失實焉問嘗聞皇明從信錄知侯吳傳為復卽志書亦失實焉問嘗聞皇明從信錄知侯吳姓江南廬州郡合肥縣人迺國公吳復之子襲封之初父復在元之至正十二年間保護鄉里率部屬謁明太祖領前鋒軍與湯和徐達諸公同伐張士誠攻常州積功充沔陽衛指揮洪武元年征淮漢敘功封安陸侯征雲南諸夷畏服晉貴州都指揮洪武十六年九月卒於貴州追封黔國公此父復十六年以前之勳爵也十七年封傑襲侯爵加祿二千五百石詔制兩浙防倭衛所至洪武二十七年三月命安陸侯吳傑同魏國公徐輝祖練兵防倭至海晏之穿山成城置所調定海後所官軍戍守此十七年承蔭以後著績於定邑者也父卒於十六年子襲於十七年而後死生顯著歲月昭明何志書有穿山置所調軍之吳復與此必指傑為復之訛焉

爾是境主安陸侯諱傑無疑也穿山自二十年間信國公湯和從二謝海島居民於此至我侯成城置所定海所官軍守之而經營甚密海國澄清其建祠於舞嶺阿之陽表揚德澤祭祀以時以至於今日也崇德報功始覈其實爰勒於碑以垂不朽云

河中廟三都一畝穿山碇之西祀唐宋璟廟右山左水坐碇面河故名河中每歲冬至日前一夜鄉民多往祠祈夢以決休咎每逢神誕日均係海晏鄉二都一畝人承值咸

豐六年監生鍾懷謙改建

采訪冊

楊亭廟四都一畝祀唐魏孝子相傳昔有亡羊者禱於此立獲因鬻羊建亭羊楊同音訛稱楊亭宋高宗航海時賜額元至正年封阜安王明初易以廟嘉靖間倭寇作亂神顯威於長山之巔寇不敢入

國朝康熙甲寅海寇數十艘泊蛟門民咸竄匿一夕見火燎山谷隱隱有旂旆森列寇遂遁貢生張嗣業首倡捐金新其祠宇置官宇帝宇鳥字田共五十五畝有奇以修歲祀學士裴璉有記

乾隆志

後嗣業孫殷輝書煌修堯又重修

冊采訪

魁星閣四都一畝光緒二年於楊亭廟側改建開祀魁星里人張文愷張翺等捐資重建

采訪冊

長山廟在日濟菴之前

國初移建龜山向係狹隘里人張清標於嘉慶十九年開拓廟基重建殿宇十餘間又廟後山一畝新置公田六畝

零

縣志備采

羊府廟在林大山相傳神姓羊諱祐舊廟在傅家硯菴內  
嘉慶乙卯歲董事張廷皎童成燦等遷徙於此同治九年

張懷謙賀汝周捐資改造

采訪冊

龍王宮在三眼硯上供奉四海龍王

采訪冊

海晏鄉

雲霄三公廟縣東南八十里與鄞境接廟不知所自始其  
神冕而九旒垂黹纁被山龍黼黻爲旱禱輒應主簿永嘉  
戴枊記之謂穀梁氏所謂應乎上公而通乎陰陽者也

寶志

河頭廟一都一畝在阡陌中世傳神爲海陵胡安國明時  
大旱苗盡槁人多渴死一日有冠帶者指地三處掘之得

泉卽今邱家井竹葉井中井是也叩以姓名曰河頭因知爲河頭廟神每歲二月八日居民報賽極盛乾隆志

嶺西廟一都一畝獅子山下乾隆志今移在雲霧三公廟西

舊基改爲土地祠采訪冊

集聖廟一都一畝在陳打鼓嶽采訪冊

紫石廟一都二畝明初祀宋王安石萬厯間鄞青山廟道

士昇鮑王像募衆至廟假宿晨昇之重不能舉里人遂並

祀焉扁其額曰青山紫石乾隆志

國朝乾隆年間鄭仲韓捐資重修采訪冊

胡垣記國家累治重熙神人昭格覃恩疊沛率土咸

敷推錫類於前民本幽明之合漠誕告天下修葺廟宇

於是天下翕然從風鼓舞樂應自都邑名區重鎮及五

方海濱山陬莫不慶有豐年以圖報賽鳩工集事增舊

舊廟下

已

爲新穿山吾鎮邑之巨望也自漢晉以來地當斥鹵艱  
食爲虞泊乎生齒漸繁幸與廟祀梁大通唐會昌以後  
屢敕青山鮑侯之有捍禦功而人羣奉之以祈降福至  
宋荆國王公經理茲土培塿爲腴耕作繁興致養兼至  
是用台祀紫石以崇祀典蓋鮑公之靈爽與王公之德  
政先後輝映彰彰可考並載邑志垂諸不朽茲惟廟貌  
重新而湖厥經營伊始則樂輸不倦踴躍趨工於今十  
年人情每樂於謀始而難於圖終又樂於有終而細於  
謀緒宇下煥然萬家一唱羣和知其難也有終之易也厚  
者善藏願輸者不給知其圖終之難也有終之易也厚  
帛歡呼瞻拜以荷神庥至樂也作始而繼之則時之久  
稽人之存亡孰與善其後得無誦於謀乎是故舉事者  
力穿猶可以其濟而工餘則慮其難成是役也鄭君仲  
韓實董其事暨夫舉鄉老成百計圖維歸於劃一綏其  
餘資厥費不擾酌其盈縮厥厥入維均立之章程其緒不  
素揆之天下可也況於一鄉哉願有爲之說者曰斯神之  
舉也而非人之功始不盡然傳曰神所憑依將不德矣  
非神時與保茲土非神時與薦斯馨蓋有維繫不解者  
也然則人得居功與曰傳又和年豐夫民有力而後致  
力於神又曰三時不害而民得自爲功耶通斯義者知  
年非有賴於默默相之而民得自爲功耶通斯義者知

事有畢集功有山致於以荷神佑於無窮答皇  
仁之普降觀其一日告成而垂之萬年鞏固也

東湖廟一都二箇雙石人山下宋敕封康安侯王乾隆志

聖山廟一都四箇在崑亭祀明宋濂乾隆志

國朝乾隆四十九年甲辰重建采訪冊

劉懷理記 豈嶺之南白巖之東有山焉自北蜿蜒而  
來停而復峙山下曰聖山廟廟以山得名也創建不知  
所昉欲問其由而遺老盡矣神姓宋名濂謚文憲明洪  
武朝官至翰林學士偕劉基葉琛章溢稱為四先生詳  
著於史乘者也立廟多歷年所傾圮過半歲辛酉里人  
謀更新之選里中廉能者董其事招基高門視舊制而  
式廊出資力役眾願樂從闕一載而落成規制宏敞材  
木堅緻以垂億萬世而永永弗替也里人屬余記其經  
營始末以示後襲贊協力其事者例得備書李資先劉  
君義劉瑞玉等後之踵事而修葺者庶識辨造之所自  
也家文良公行義於鄉鄰人德  
之滄像於廟旁祀焉附記於此

鎮海廟一都四箇崑亭海口祀梁張仁皓封武惠靈應侯



王

東密海首廟一都四畝祀唐薛仁貴嘉慶乙丑年里人葉從坤等重修

西柏溪廟一都四畝崑亭

管畧廟一都四畝同治五年里人劉慈挺重建相傳神姓衛名未詳

蝦康廟一都四畝神祀宋陸秀夫

唯朝廟二都一畝颶沙溪畧神祀宋曹煒封東平王以上采訪冊

蘆江廟二都一畝舊名妙畧廟明末燬

國朝順治十三年里人沃景耀林葵赤重建又別廟在靈

巖山下名莘峯廟

乾隆志

在廬山觀西里人劉肯堂沃正權

鍾懷謙重修

采訪冊

林佳果記 侯姓劉名給字仲偃閩人仕宋欽宗朝靖  
康丁未副李綱宣撫河南河東當金人肆掠中原獨侯  
九戰九捷斬首數百級旋以功鎮真定召募勇敢當時  
忠義來集如岳武穆亦與麾下及二帝北轅侯馳金營  
金人易姓議起虛僕射位以待侯乃守義不屈遂手書  
片紙寄於子羽自縊金軍中金人義之瘞之僧寺西  
岡上越十入日始就殮顏色如生後高宗從李綱之請  
贈資政殿學士義動敵人所昭青史誠一代之志士仁  
人也雖里籍居閩而靈之所昭無地不在深仁厚澤惠  
我廬江俾里社人民自高曾而下世世依賴之所謂能  
禦大災能捍大患亦惟吾  
侯有焉修廟既竣爰記之

新廬江廟二都一畺神姓劉諱幹

采訪冊

廬山觀二都一畺神祀東嶽帝里人劉肯堂馬名高虞爾  
從等於嘉慶四年捐資重修沃錦堂玉堂於十五年重修

沃正權於道光十六年捐置田產二十四年鍾懷謙重修  
采訪

梁家廟二都一畝相傳爲建文時從亡臣梁氏廟

唐令志彙

王荆公祠二都一畝穿山碑旁宋慶厯七年王安石爲鄞  
宰巡視穿山築長隄百餘丈以捍海潮之入建石碑浚河  
渠以限海水之出隄高三丈廣六尺碑分三洞以時啟閉  
祠在隄左歲久傾頽僅存遺址

乾隆志

關聖殿二都一畝在水陸菴前

文昌閣二都一畝在正筆山巔同治八年里人胡宋挺鄭  
昭曹來悅等捐資建造閣中有

至聖先師神像碑光緒戊寅上石

胡念袞記略

像在金陵學中明崇禎八年重鐫江東

汪文毅公識之

云是吳道子筆咸豐癸亥賊氛甫清念

袞寓居甬上

偕徐君煥煥從子克潤過市肆得其攝本

歸而藏之家

歷十餘年於茲矣同里劉君俊見之謂藏

本易於損裂

不如勒石以垂永久念袞乃屬工

人摹而刻之

建碑於鄉之正筆山文昌閣中云

財神殿二都一畝本係茶亭菴故址里人募捐新建因拓

其址而仍附茶亭菴

以上采訪冊

龍泉廟一都二畝元時建

國朝嘉慶七年重修神祀漢梅福

縣志備采

長沙汀廟三都一畝蝦康臺前廟背山面海其地無河無

閘田有水源或鹹潮灌漑亦無害樹藝

上太平廟三都一畝康陽廟分三殿左曰護國尙書右曰

白衣太子中王荆公安石

下太平廟三都一畝以上乾隆志

石相公廟三都一畝改名新嘉廟

王國楨記 海晏鄉三都一畝門浦村有新嘉廟規模卑隘殿宇傾圮不知昉自何時神亦不詳其姓氏按邑志洞橋之北舊有石相公廟今為禾黍矣或曰石相公廟移置橋南山麓更名曰新嘉此一說也或曰廟新於嘉慶年間故名新嘉又一說也夫以咸豐丁巳去嘉慶間不過五十年耳其中里人經營畱心修葺者二十餘年廟之傾畝非一日矣乃附會其說謂重新者非也考祭法山林川谷邱陵民取材用者則祀之能禦大災捍大患則祀之門浦僻處山谷地濱大海而風俗敦厚戶口殷繁沐浴於聖朝德化者蓋亦久矣曩時英夷蹂躪沿海受害而門浦獨安堵無虞謂非神力之默為呵護哉崇祀典而光大其廟貌也固宜

寶甯廟三都一畝在山防同治十年里人陳煥忠重修

鵝鳥醮廟三都一畝上王衛頭

烏醮廟三都一箇上王

貓醮廟三都一箇鍾家灣

張公廟三都一箇臺畧

下灣廟三都一箇

新張公廟三都一箇下岸下村

許家廟三都一箇官莊

風棚廟三都一箇風棚嶺下

朱家畧廟三都一箇今名澄江廟

梅子山廟三都一箇霽霽梅山道光壬辰年重建神祀漢

梅福里人荆鳳池有記

馬婆廟三都一箇在馬婆嶺側

東興廟三都一畝在盤柏畧

境頭廟三都一畝在裏畧

以上采訪冊

鎮隅

吉祥廟六畝穿山後所治東南鄉

乾隆志

妙橋廟六畝穿山後所治西南鄉

乾隆志

神祀宋宗澤官畱

守

采訪冊

城隍護國廟六畝康熙十三年海寇登岸突踞臥龍山鎮

俯視所城矢石交下居民倉皇莫措忽見廟中炬焰燭天

飛將湧出賊大驚相率下山去一方獲全士民德之爲新

其廟貌

采訪冊

項舜年記

國家之設城所以禦寇而我所所以萬世永賴者不在城而在廟而在神也臥龍山北至

黃崎江爲鎮邑門戶海寇出入所必經明洪武二十年  
信國公湯和閱邊抵此以爲不可無城繪圖進呈閱七  
年遣安陸侯吳傑跨山而建之周圍七百四十二丈延  
袤四里有奇嘉靖間倭寇連年猖獗全省驚擾賴所城  
兵出與鎮兵前後夾攻而威遠城得號平倭第一關  
國朝順治十八年朝使蘇公納海以按址太曠腰改  
築不知縣治山臨江我扼其要而發礮擊賊雖千百艘不  
能揚帆飛渡又安能從千百仞之下仰攻乎千百仞之  
上一經失策禍不旋踵康熙十三年海寇登岸突踞臥  
龍山巔矢石交加當是時也居民倉皇官軍莫措行見  
頃刻城陷鎮邑失其門戶而江南一帶皆受困矣則豈  
惟我所遭其荼毒哉乃忽焉午夜廟中炬燭天飛將  
湧出鎧仗鮮明或則怒馬騰雲或則揮戈逐霧縱橫出  
沒威風凜凜有格鬪狀擬以魚腹浦之入門陣而變化  
益奇例諸公山之鶴唳風驚而軍容更盛羣盜滿山  
方期渠邱之責在於俄頃及觀此排山倒海氣吞雲夢  
不禁魂銷魄散霎時間皆下山遁去神之爲神亦靈矣  
哉第念城與廟並列有相爲表裏之義誠使克復舊城  
巍然雄踞而又加以神靈默佑俾闔境士民無騷擾之  
虞安享太平之福者無論前此數十年卽千古如斯可  
也則豈惟廟之言貌屢經修葺規模益宏肅人瞻觀而  
已哉年湮世遠積久漸忘故老傳聞如同影響而猶幸



先時廟祭祝稟猶存偶閱之下知禦寇一事在康熙甲寅之十二月三日不禁情深感戴託諸毫素且欲嗣下人咸知斯城改建以後而神捍禦之功為不可誣也是為記

吳公廟六崙穿山後所城隍廟左一名景賢祠里紳吳江

偉有德於鄉同里項宣等公建

乾隆志

項公肅記昔范文正公為秀才時便以天下為己任逮其得志勲業震寰區遂不負所期而又孜孜於恤鄉鄰敦嫺族特置義田以備賑濟故至今猶頌范公之德吾里吳公諱江偉字幼兼延陵之苗裔也英姿挺異為文倚馬可待年十七補邑庠生旋食廩餼國朝康熙四年以浙大承趙公薦授吳郡司馬旋署府篆兼理許墅關務歷任五載所著懋績蘇人將歌頌未朽而其推恩梓里尤為足志者吾鄉自遷界以來田等泥塗人同草菅公在蘇聞之惻然曰吾人讀聖賢書所學何事使身榮而桑梓受困可乎夫田等泥塗者受潮患也人同草菅者由失業也爰由捐俸為之建碑變斥鹵為桑田咸得業耕而粒食又念里多窮乏比戶通賦追呼因代輸數百家正供一載上足國家之課下甦節屋之艱所謂蘇學士之隄防晏大夫之舉火公兼而

有之固不特媿美范公已也夫論公之才霞蔚雲蒸論公之德和風甘雨將道濟天下名標史冊有大書特書義不一而足者甯侯區區俚言爲贊哉然同里感公之義沐公之德和與勒之貞珉以彰公之不愿君賜普及吾鄉人於無涯也聞公之風者能無令人興起哉

三元殿六畝北門村

真武宮六畝北門村

天后宮六畝北門村

它山殿六畝

元壇殿六畝

龍睡宮六畝城外

雷祖殿六畝城外

文昌祠六畝城外

郭衢所城隍廟在湯信國公創建城中以上采訪冊

楊公祠郭衢所城內三官堂東祀明巡道楊瑄曹府志事詳

名宦傳民感其德建祠祀焉今圯祠址坐落十字街邊東

至戴姓牆腳南至大街西至大街北界戴姓地東西廣二

丈九尺南北二丈三尺乾隆志

薛士學遺址記郭衢去縣治九十里而遙定海衛之

外所城也其地東南顧大海衝颶鼓潮汐而來則海晏

鄉之果偏數百頃瀉鹵不可佃作海故有塘歲久漸圯

民患之明天順間御史楊公以抗疏忤旨謫外稍遷至

副史以兵巡駐節甯波公精於河渠水利之學至則修

郭衢海塘公長浙臬時又修鹽官海塘事載鄭端簡吾

學編因思當嘉靖修縣志歲月非甚遙闊而載筆者不

能備詳其事為可歎也今年春南鄉遇林伯子郭衢人

為余言公祠在所城之十字街祠又廢僅一碑在今臥

於道觀階砌間然石尚完發之文字當不盡湮滅尚可

拂拭出也郭衢塘起夏家山西盡房塾又起下灣山西

抵城南山麓傳所云內外塘也塘皆廣袤若干尺步離

土石而成隨海隅縈繚其壯上有蒼枝古木人傳亦公  
時所植云祠旁民舍天改時民或侵祠前地爲蔬畦鄰  
人訟之縣令按碑銘問之曰爾大父父及爾之身海有  
暴風雨驚號者乎曰聞歲有之又問陂渠有容水入爲  
禾黍災者乎曰不聞公曰爾大父以來至於爾身安飽  
於斯聚閭無恙者塘成百世之利皆公賜也微公爾民  
何以有今日杖其人正其侵地然故址埋沒荆榛中迄  
無新之者徐友貞鹽官人來爲縣學博士言鹽人祠公  
至今春秋歌  
舞不絕云

### 林府廟七畝封廣濟侯王

石相公廟七畝在東門內有衛國濟民石二石三相公之  
神位當時年荒周濟羣生食盡無所給自抱金甌餓死民  
感之立廟

### 東嶽宮七畝所城內

### 鳳山廟七畝鳳皇山下

福民廟七畝卽大塗廟所城西門外三里大塗洋爲鎮七

莊首廟乾隆志大塗廟神姓陳諱達述

胡準記

舊傳神唐都御史河南鳳陽紫金山人姓陳

名達述字博堂

爲彭城觀察時大疫流行神以萊菔療

病民輒痊據舊唐書云官納言賜食御前得葡萄不食

高祖問故曰母患口乾求之不能請以遺之高祖喟然

流涕曰爾有母可遺乎因賜物百段此其實錄也此地

當唐初海潮汨沒沿山斥鹵故名大塗洋歷千餘年至

我

朝定鼎以後沙漲土腴民居稠密神以忠孝格天精靈

充塞兩間奚必據無稽游談由彭城州判遷烏鎮司馬

調鄞邑來任茲土之說始審實證而廟食乎禮曰凡有

功德於民者則祀之此物此志也準不辭鄙陋從鄉之

耆老請而爲之贊曰我輩竊效大塗之洋英姿奇偉篤

生於唐忠昭柱史忠貞堂惟孝錫以天章越千

餘載保障一方葡萄萊菔小草猶芳天風浪浪海水蒼

蒼神靈來格

百世馨香

三官堂七畝所城內十字街

廟山嘴廟七畝卽福民廟舊址

小塗畧廟七畝崇秀門外

台畧廟七畝崇秀門外

黃石門老廟七畝

楊府廟七畝在上寨又別廟在黃石門

方門廟七畝

奇龍廟七畝升螺

昌盛廟七畝淪港

孫監廟七畝兩到灣

謝家畧廟七畝

石門廟七畝謝家畧

金華縣志 卷一 四  
白楓廟七畝卽前董廟神姓吳

司前廟七畝卽雲雩三公別廟

妙山廟七畝

霞嶼廟七畝卽鎮首廟

上林廟七畝蔣家灣

後墾廟七畝

得勝廟七畝雙畧今名德馨廟

盛畧廟七畝舊傳神姓包逸其名康熙間開墾山地於叢  
莽中得一石鑪堅凝古質知爲千百年神物爰建廟於其  
地卽名其田曰廟衙嘉慶丙辰正月蔡逆犯境廟燬復建  
道光辛丑遭英夷蹂躪廟圯而石鑪獨存同治八年里人

張翹重建

東門廟七畝

文昌祠七畝

上堡廟七畝小疊康熙二十一年里人徐金法重修

下堡廟七畝小疊

天醫殿七畝小疊

聚星廟七畝洋張畧

田塍灣廟七畝

以上采訪冊